

Хуучна авъясиг уга кехмн

СССР-н Деел Советин Союзин Советин болн Келн-ämtсин Советин Зака гаргългъ белдлгнә комиссмүд, КПСС-н XXI хургин шийдврәс иштәгъяр болн кесг оln күч-көлсчнрин сүв-селвгяр шийдвр гаргъад, «Советск зака болн социалистическ оlnа бәәдл-джиргълин зокал әвдлгнлә чоолдлгннд оlnа нилчиг өөдлүлхин туск закана», «Үүрмүднһ кедг заргъсин туск ирлцнһгъү Положения» болн «Наснһ күцәд уга багъчудин төрин комиссмүдин туск ирлцнһгъү Положения» проектс барлгдв.

Мана Коммунистическ парть кезәд чигн оln әмтиг орн-нутгин залмжд орлцулдж, теднә әврә дурн-седкләрн кедг тоотинһ өргджүлнә.

Барлгдсн эн документс мана бәәх бәәдләс утхта, мана обществин, мана демократин делгрлтәс иштә белдгд-смн.

Оln әмтид коммунистическ сургъ-мдж өгхд, социалистическ оlnа бәәдл-джиргъл болн гражданмудин зөв-йос хархд оlnа нилчиг өөдлүлхин төлә гаргъджах эн документс. Дакад болхла, ганцхн милицин, прокуратурин болн заргъин чидләр аля-аздла болн үүл татдг улсла ноолда кедж болшго. «Оln әмтнә бийсиннһ орлцан угагъар, ганцхн административн засгллгъар эн тоот хаджгър-киинһг йовдлмудиг уурулдж болшго. Энүнд оlnа нилч ик орм эзлхмн», — гидж үр Н. С. Хрущев келсмн.

Тер учрар, әврә сән дурар бүрдсн оln әмтнә дружинә, үүрмүднһ кедг заргъсин, оlnа бәәдл-джиргълин инспекцин нилчиг өдр ирвәс өөдлүлх

кергтә. Дакад болхла, советск гражданин болгн әврән цуг зака күцәсн, күч-көлснә диг-дара дөнһсн, социалистическ эдл-аху харсн дее-рән хаджудк улсан хаджгър үүл гаргъхас хөрх зөвтә.

Өдгә цагт, мана республикин совхозмудар, колхозмудар, предприятьсар болн учрежднһсәр эн закана проектсин тускар күүндвр делгү кегддж йовна. Ода республикар 321 хург болснд 27442 күн орлцв, тер хургуд деер 940 күн босдж үг келцхäv. Эн закана проектсиг оln әмти дунд цәәлгългннд 1660 агитатормуд орлцдж бәәцхәнә, тедн хойр минһгъ гар күүндвр, умшлгъ, лекц кецхäv, терүнднһ 10448 күн орлцв.

Мана республикин күч-көлсчнр цугъар нег дуугъар закана шин проектсиг таасад, демократиг өргнәр делгрүлхд парть болн правительств ик оньган өгчәнә гидж, эн закаг түргәр әдлврт өгхиг сурджа-цхана.

Приозери района «Сухотинский» совхозин 3-ч фермин багш үр Рытиков иигдж келв:

— Бидн әврәннһ орн-нутгин йоста эздүдвдн, бидн шин коммунистическ бәәдл-джиргъл тосхачнрвдн, тер учрар бидн урдк цагас үлдсн хуучна авъясиг уга кехмн.

— Ончн күүкд бәәдг герт болн интернати школд өсджәх бичкдүд дунд сургъмджин көдлмшиг сәәнәр кехмн, — гидж Каспийск района «Оленичевский» совхозин көдлмшч Анна Михайловна Тетерина келв.

Башантинск селәнә эдл-ахун техникумин студентнр болн преподавательмүд дунд боясн хургт, багъчудиг оln әмтнә дружинд икар орлцулхмн гисн шийдвр гаргъв.

Партийн, советск, профсоюзн болн комсомольск организацс оln әмтиг барлгдсн документслә делгү таньлдулх зөвтә, тер күүндвр болдж йовх цагла үүрмүднһ кедг заргъиг, оlnа бәәдл-джиргълиг хардг, әврә дурар бүрдсн оln әмтнә дружиниг батлдж, заргъла, прокуратурла, милицлә хамдан социалистическ диг-дараг харх кергтә.

Э. ЗУНДУЕВ.